



Broj: T18 0 KT 0019627 26

Datum: 30.07.2026. godine

Optužnica potvrđena dana 05.08.2026. godine

Na osnovu člana 35. stav (2) tačka h) i člana 226. stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

S. Č., rođen ... 2001. godine u Brčkom,

Što je:

Dana 08.07.2026. godine, u vremenskom periodu između 15:35 i 15:55 sati, u ulici Uzunovića broj ..., Brčko distrikt BiH, u stanu u vlasništvu njegove majke T. K. s ciljem pribavljanja protivpravne imovinske koristi, svjestan i u namjeri da oduzme tuđu pokretnu stvar male vrijednosti, što je i htio, iskoristio nepažnju svoje majke i sestre A. Č. na način da je sa stola u dnevnoj sobi oduzeo torbicu crne boje vlasništvo A. Č., nakon čega je istrčao napolje i iz iste oduzeo novac u iznosu od 110, 00 KM i udaljio se u nepoznatom pravcu a navedenu torbicu odbacio u neposrednoj blizini zgrade u gore navedenoj ulici, čime je za sebe pribavio protivpravnu imovinsku korist u navedenom iznosu,

dakle, oduzeo tuđu pokretnu stvar male vrijednosti s ciljem da njenim prisvajanjem sebi pribavi protivpravnu imovinsku korist takve vrijednosti,

čime je učinio krivično djelo – *Krađa* - iz člana 280 stav (2) u vezi sa stavom (1) Krivičnog zakona Brčko distrikta BiH

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****
